



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422
fax. +387 33 726 423
e-mail: info@voda.ba

Broj: UP-1/21-3-40-461-6/23

Datum: 05.12.2023. godine

„Agencija za vodno područje rijeke Save“ Sarajevo, rješavajući po zahtjevu pravnog lica Javno preduzeće „Vodovod i kanalizacija“ d.o.o. Gračanica za zahvat vode iz bunara „Sklop III“, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema na području grada Gračanica, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98, 49/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu Javno preduzeće „Vodovod i kanalizacija“ d.o.o. Gračanica za zahvat vode iz bunara „Sklop III“, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema na području grada Gračanica, pri čemu se trenutno zahvata količina od $Q = 8-20$ l/s.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
 - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodozahvatnog objekta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbjeđuje putem mjerača protoka Meinecke, tip Meinag 2500. Evidenciju o mjerenju zahvaćene količine vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenih mjernih uređaja za evidentiranje zahvaćene količine vode, opreme na objektima transportnog sistema, odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode hloriranjem kao i kontrola rezidualnog hlora u distributivnoj mreži u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.7. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, vodovodni sistem isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.
 - 2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.
 - 2.9. Da se stalno sprovode zaštitne mjere za izvorišta po Odluci o zonama sanitarne zaštite i zaštitnim mjerama za izvorište Sklop, Seljanuša i Hadžina voda za snabdijevanje vodom za piće

općine Gračanica, broj:01-05-00593-2011 od 28.02.2011. godine. Ova Odluka je bazirana na tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12). Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje.

2.10. U cilju najstrožije kontrole prostora na kome se nalazi vodozahvatni objekat- bunar Sklop III i prateći objekti potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta „Sklop“ potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm, video nadzor i druge mjere zaštite, ukoliko se to ocijeni potrebnim.

2.11. Korisnik je dužan da u roku trajanja ove vodne dozvole, u skladu sa važećom legislativom pokrene inicijativu za dobivanje upotrebne dozvole izgrađenih vodozahvatnih objekata i pratećih objekata infrastrukture, kao dijela cjelokupnog sistema vodosnabdijevanja.

3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

4. Prava stečena po ovoj vodnoj dozvoli ne mogu se prenositi na treća lica, a ista se mogu izmjeniti u zakonom propisanim slučajevima.

5. Ukoliko prilikom upotrebe vodozahvatnog objekta koji je obuhvaćen ovom vodnom dozvolom dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.

6. U ovoj upravnoj stvari plaćene su sve upravne pristojbe.

7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet (5) godina od pravosnažnosti ovog rješenja.

8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.

9. Za izgradnju novog ili rekonstrukciju ili uklanjanje postojećeg objekta te promjenu uslova zahvatanja vode sa vodocepilišta Sklop, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).

10. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

Obrazloženje

Pravno lice, Javno preduzeće „Vodovod i kanalizacija“ d.o.o. Gračanica obratilo se ovoj Agenciji sa zahtjevom za izdavanje Rješenja o vodnoj dozvoli za aktivnosti na zahvatanju vode iz vodozahvatnog objekta-bunara Sklop III, izgrađenog na zemljištu označenom kao k.č. broj 85 K.O. Gračanica, grad Gračanica, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema grada Gračanica, pri čemu se trenutno zahvata količina od $Q=8-20$ l/s.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka, broj:032-0-Reg-23-001183 od 21.08.2023. godine izdato od strana Općinskog suda u Tuzli ovjerena – kopija,

- Rješenje o vodnoj dozvoli, broj: UP-I/25-3-40-311-4/21 od 13.09.2021. godine izdato od strane Agencije za vodono područje rijeke Save, Sarajevo – kopija,
 - Ugovor o koncesiji za korištenje vode u općinskom sistemu vodosnabdijevanja Gračanice, broj:04/1-01-25-008204-18/14 od 08.01.2015. godine potpisan sa Ministarstvom poljoprivrede, šumarstva i vodoprivrede Tuzlanskog kantona – kopija,
 - Odluka o zonama sanitarne zaštite i zaštitnim mjerama za izvorišta Sklop, Seljanuša i Hadžijina voda za snabdijevanje vodom za piće općine Gračanica, broj:01-05-00593-2011 od 28.02.2011. godine donesena od strane Općinskog vijeća – kopija,
 - Izvještaj o ispitivanju vode iz bušenog bunara Sklop III, Općina Gračanica, broj:2593/23 od 06.10.2023. godine urađen od strane TQM d.o.o. Lukavac,
 - Operativni plan u slučaju incidentnih zagađenja za objekat kanalizacione mreže u gradu Gračanica, juli 2022. godine,
 - Elaborat noveliranje i dopuna zona sanitarne zaštite izvorišta vodovodnog sistema Gračanica urađen od strane „Zavod za vodoprivredu“ d.d. Sarajevo, januar 2016. godine, broj: 03-21-167-28 /15,
 - Izvještaji o uzorkovanju br. 3905-5/23 i 3905-3/23 od 26.10.2023. godine urađeni od strane „Euro inspekt“ d.o.o. Sarajevo – kopija,
 - Pravilnik o održavanju, korištenju i osmatranju objekata vodovodnog sistema JP „Vodovod i kanalizacija d.o.o. Gračanica, oktobar 2019. godine,
 - Dokaz o uplaćenju federalnoj upravnoj pristojbi na zahtjev
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uvidaj na terenu i tom prilikom sačinjen Zapisnik broj: UP-1/21-3-40-461-4/23 od 30.11.2023. godine.
- Na osnovu dostavljene dokumentacije, izvršenog uvida na licu mjesta utvrđeno je slijedeće:
- Zbog tehničkih nedostataka postojećeg vodozahvatnog objekta na lokalitetu Sklop, općina Gračanica, koje su bile posebno izražene u sušnom periodu, pokrenute su aktivnosti u toku 2002. godine na izvođenju predhodnih istražnih radova i ispitivanja, pratećih aktivnosti te izgradnji interventnog bunara Sklop III. Bunar je bušen «hamer-drill» metodom iznošenjem nabušenog materijala pomoću zraka. Profil bušenja mijenjao se sa dubinom napredovanja: od početnog promjera $\varnothing$ 600 mm, do završnog profila $\varnothing$ 215,9 mm, kojim je izveden bunar do konačne dubine od 165,00 m. U bunar su ugrađene čelične cijevi $\varnothing$ 273 mm, pocinčane cijevi i slotirani filteri $\varnothing$ 168 mm. Čišćenje bunara i njegovo osvajanje u cilju uspostave što kvalitetnijeg kontakta sa vodonosnim slojem izvedeno je komprimiranim zrakom- metodom air-lifta i pumpom «Caprari» u ukupnom trajanju 24 sata. Probim crpljenjem, vršenim 2002.godine, na bunaru „Sklop III“ utvrđena je optimalna izdašnost bunara do 30 l/s.
 - Trenutno se zahvata količina od $Q = 8-20$ l/s. Crpljena količina vode se transportuje u rezervoar „Gaj“ zapremine $V = 1800$ m³. U zahvatnom objektu ugrađen je elektromagnetni mjerač protoka DN 150mm. Dezinfekcija zahvaćene vode vrši se automatskim hlorigeneratorom na rezervoaru „Gaj“. Prva zaštitna zona oko vodocrpilišta je propisno ograđena.
 - Vršu se redovna kontrola kvaliteta vode. Fizičko-hemijske karakteristike uzoraka vode urađene su od strane TQM d.o.o. Lukavac i odgovaraju uslovima Pravilnika o zdravstvenoj ispravnosti vode za piće („Službene novine Federacije BiH“, broj 40/10). Izvještaj o mikrobiološkom ispitivanju vode urađen je od strane „Euro inspekt“ d.o.o. Sarajevo.
 - U skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12) izvršeno je inoviranje Elaborata o zaštiti izvorišta i u toku je procedura donošenja Odluke o zaštiti izvorišta „Sklop III“. Propisane mjere zabrane i ograničenja se na terenu djelimično provode. Najveća opasnost za očuvanje izvora u kvalitativnom i kvantitativnom smislu dolazi od sječe šume u slivnom području.
 - Na samom vodocrpilištu, vodozahvatnom objektu-bunaru u prethodnom periodu (od izdavanja Rješenja o vodnoj dozvoli) nisu vršeni građevinski radovi (rekonstrukcije i sl).

➤ Korisnik je upoznat sa potrebom ishodovanja upotrebne dozvole izgrađenog vodozahvatnog sistema, kao dijela cjelokupnog sistema vodosnabdijevanja, od nadležnog organa, u skladu sa važećom legislativom.

Na osnovu provedenog postupka, a prema članu 107. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Javnog preduzeću „Vodovod i kanalizacija“ d.o.o. Gračanica ovom su vodnom dozvolom, u tački 2. dispozitiva rješenja, propisani uslovi za korištenje istih. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva Javno preduzeće „Vodovod i kanalizacija“ d.o.o. Gračanica ispunio minimum uslova za izdavanje vodne dozvole za zahvat vode iz bunara Sklop III, grad Gračanica, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema grada Gračanica pri čemu se trenutno zahvata količina od $Q = 8-20$ l/s, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13). Podnosilac zahtjeva je izvršio uplatu po Zaključku broj: UP-1/21-3-40-461-5/23 od 01.12.2023. godine.

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja.


Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.građ.



Dostaviti:

- JP Vodovod i kanalizacija d.o.o.
Skver bb, 75320 Gračanica,
- ⊖ AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča